

Dakwah Al-Islam

Rencana ini adalah catatan dari syarahan yang dikutip semasa menghadiri “Muktamar *al-Jam’iyah al-Wasliyah*” seIndonesia di Langsa Aceh, Sumatera Utara selama 1 hingga 5 Disember 1962 yang lalu, oleh Tuan Haji Zainal Abidin Zamzam Al-Bukhari selaku peninjau ke muktamar tersebut mewakili “Persatuan Muhammadiyah” Pulau Pinang yang mana beliau sebagai Naib Yang Dipertuanya.

Hidup suatu agama ialah dengan dakwah, dan dakwah bukanlah semata-mata bersifat propaganda, meskipun kadang-kadang propaganda itu pun dipakai sebagai alat dakwah. Setelah kita tilik secara mendalam dan dapat dipertanggungjawabkan, baik di dalam Al-Quran atau pun di dalam Sunnah Rasul dan sejarah perkembangan agama, maka kedatangan sekalian rasul, sejak Nabi Nuh ‘*alayhi al-salām* sampai. Nabi Muhammad (S.A.W), dengan aqidah dan syariatnya masing-masing, ternyata bahawa isi yang utama atau pokok ialah dakwah. Sehingga rasul-rasul itu dipilih dari kalangan manusia sendiri, dan memakai lidah kaum mereka (*bi lisāni qawmihi*) ialah supaya dakwah itu dapat diterima dan berjalan dengan lancarnya.

Hubungan yang karib di antara hamba sesama hamba ialah dengan dakwah, dan daripada hamba kepada Tuhan, sifatnya pun beralih menjadi doa, namun rumpun kata masih tetap itu juga, baharulah doanya seorang makhluk dapat diterima oleh Tuhan, setelah makhluk itu menerima dakwah terlebih dahulu:

“Wa idhā sa ’alaka ’ibādī ’annī fā innī qarīb ujībū da ’wata al-dā’i idhā da ’āni falyastajībū lī walyu ’minū bī la ’allahum yarshudūn” (Al-Baqarah 186). Dan apabila menanyakan hamba-hambaKu itu kepada engkau (hai pesuruhKu), dari hal Aku, (jawablah) bahawa Aku ini adalah dekat, akan Aku perkenankan permohonan orang yang memohon (*dakwah al-dā’i*) bila dia memohon kepadaKu. Oleh sebab itu bersediaIah melaksanakan perintahKu dan percayalah kepada Aku, moga-moga mereka menjadi orang yang bijaksana.

1. Dakwah Ilahi

Dakwah itu langsung dari Tuhan, dan rasul-rasul adalah pesuruh Tuhan penyambung qalamNya agar dakwah itu dikenal oleh para insan. Tujuan dakwah ialah untuk hidup. Sebab hidup insan, sebagai “*khalīfah Allah fil arḍ*”- haruslah berbeza dengan hidup makhluk yang lain. Inisari¹ dakwah untuk hidup yang sejati itu dijelaskan dalam surah “*Al-Anfāl*” ayat 24:

Yā ayyuhā alladhīna āmanūstajībū Lillāhi wa lilrasūl idhā da ’ākum limā yuḥyīkum wa ’lamū anna Allāh yahūlu bayna al-mar’I wa qalbihi wa annahu ilayhi tuḥsharūn.

Wahai orang-orang yang beriman, bersedia dirilah untuk Allah dan untuk rasul, apabila diseru (didakwah) kamu kepada apa yang akan menghidupkan kamu dan ketahuilah olehmu bahwasanya Allah mendinding di antara manusia dengan hatinya, dan sesungguhnya kepadaNya jua kamu sekalian akan dikumpulkan.

Dalam satu ayat itu sahaja sudah jelas betapa hebatnya “dakwah Tuhan” itu, disertai dakwah rasul. Ialah untuk menimbulkan dinamika hidup. Untuk hidup yang bererti, untuk hidup yang bernilai, untuk hidup yang berbeza dengan kehidupan makhluk yang lain. Iaitu hidup yang dinamai oleh ahli-ahli tasawuf, *Al-takhlūq bi akhlāq al-Rāḥmān ’alā tāqah al-bashariyyah* Bersifat dengan sifat Tuhan, menurut kadar tenaga manusia.

¹ Perkataan sebenar ialah intisari



Beginilah pakaian-pakaian penuntut-penuntut di *Kuliyyah al-Banāt al-Islāmiyyah* di Azhar sekarang dengan cara yang menyalahi pengajaran-pengajaran Islam disiarkan oleh majalah *Al-Maṣūr*

2. Dakwah Ar-Rasul

Rasul adalah penyambung dari dakwah Tuhan tadi, oleh sebab itu dakwah rasul tidak lain daripada dakwah Tuhan. Rasul adalah semata-mata pelaksana. Oleh sebab itu jelas dikatakan bahawa isi dakwah rasul itu semuanya hanyalah satu. Lihatlah surah “*Al-Shūrā*” ayat 13;

Shara'a lakum min al-dīn mā waṣṣā bihi Nūḥā wa alladhi awḥayna ilayka wa mā waṣaynā bihi Ibrāhīm wa Mūsā wa 'Isā an aqīmū al-dīn wa lā tatafafrraqū fi hi

Tuhan Allah telah mensyariatkan kepada kaum dari hal agama ini, ialah apa yang telah diriwayatkan oleh Nuh dan yang telah Kami wahyukan kepada engkau (Muhammad) dan apa yang telah

Kami wasiatkan kepada Ibrahim, dan Musa, dan Isa agar kamu dirikan agama dan jangan berpecah-pecah di dalamnya.

1. Isi dakwah ialah kesatuan Tuhan (tauhid) dan inilah pokok.
2. Kesatuan umat manusia; lihat surah “*Al-Baqarah*” ayat 213; ertinya: “Adalah manusia itu umat yang satu. Maka Tuhan (Allah) pun mengutuskan nabi-nabi membawa khabar gembira dan khabar ancaman, dan diturunkan pula bersama mereka kitab dengan kebenaran, untuk menghukumkan manusia dalam hal yang mereka perselisihkan, dan tidaklah berselisih mereka terhadap kitab itu, melainkan pemuka-pemuka mereka yang telah kedatangan kitab-kitab itu, sesudah datang kepada mereka penjelasan-penjelasan, tersebut kebencian di antara mereka sahaja, maka Tuhan (Allah) memberikan pertunjuk kepada orang-orang yang beriman dalam hal perselisihan-perselisihan itu, kepada jalan yang benar, dengan izinNya pula, Tuhan (Allah) memberi pertunjuk jalan yang lurus kepada barang siapa yang dikehendakinya.”

Apabila kita pelajari ayat-ayat itu dengan mendalam, insaflah kita bahawa pekerjaan dakwah tidak mudah, dan apabila kita *study* pula kehidupan dan perjuangan rasul-rasul dan nabi-nabi, dengan saksama, jelaslah bahawa dakwah tidak semurah² yang rencanakan.

Allah menyeru insan kepada jalan hidup, tetapi Allah juga yang mentakdirkan, bahawa di antara hidup sejati dengan hati nurani manusia itu banyak juga dinding yang harus dilalui.

Umat manusia adalah umat yang satu, tetapi di dalam jiwa manusia terdapat berbagai-bagai penyakit yang akan menghalangi persatuan itu.

Oleh kerana kenyataan yang demikian, kepada Nabi Muhammad (S.A.W) sebagai pelaksana risalah Ilahi atau dakwah Ilahiah, diberikan pedoman perjuangan atau taktik perjuangan; dirumuskan taktik itu di dalam surah “*An-Nahl*³” ayat 125, yang ertinya:

“Serulah kepada jalan Tuhanmu dengan hikmah (kebijaksanaan) dan *maw'izah* (ajaran) yang baik, dan

² Perkataan sebenar ialah semudah

³ Perkataan sebenar ialah *al-Nahl*

ajaklah mereka bertukar fikiran (*mujādalah*) dengan cara yang sebaik-baiknya. Sesungguhnya Tuhan engkau, Dialah yang lebih tahu siapa yang sesat dari jalanNya dan Dia pula yang lebih tahu siapa orang-orang yang beroleh pertunjuk.”

Lalu diakhiri surah itu Rasul disuruh sabar menderita, tabah dan jangan berdukacita, jika cita-cita belum tercapai seluruhnya dan jangan bersempit dada kerana tipu daya orang yang ingkar itu. Pokok pegangannya adalah dua, pertama tetap takwa kepada Tuhan, kedua tetap bersedia berbuat baik.

Disini jelas sekali, betapa pun sunyinya⁴ yang dituju, namun taktik di dalam menempuh tujuan itu wajib diperhitungkan, kerana tujuan yang suci kadang-kadang tidak tercapai bukan salahnya tujuan, hanyalah kerana kesalahan taktik itu.

Yang tiga ini pulalah yang oleh kita umat Islam kurang diperhatikan selama ini, sehingga ke berapa kali dakwah gagal.

3 Dakwah Islam di Indonesia

Menurut penyelidikan ahli-ahli sejarah yang tidak memihak dan yang menulis berdasarkan kebenaran semata-mata diantaranya:

Dan lain-lain, kemajuan agama Islam di dunia ini terlebih banyak kerana dakwah semata-mata. Ada juga satu golongan musuh Islam yang mencuba hendak mengilmiahkan bahawa Islam dimajukan dengan pedang, tetapi penyelidikan ilmiah yang bebas dari prasangka dan maksud-maksud politik telah sampai kepada kesimpulan bahawa Islam maju bukan kerana pedangnya, melainkan kerana dakwahnya dan kerana ajaran tauhidnya yang masuk akal.

Islam tidak mempunyai sesuatu pusat sendeng atau misi, tetapi setiap Muslim yang mengerti akan ajaran agamanya berusaha sendiri menjadikan dirinya sendeng atau misi.

Setelah agama Islam menjadi anutan golongan yang terbesar dari bangsa Indonesia, dakwah telah berjalan

dengan lancar. Contohnya Indonesia ke dalam penjajahan bangsa-bangsa Barat yang menjadikan agama Kristian sebagai pelopor dari penjajahan itu, kemajuan dakwah Islam tidaklah terhambat kerana itu. Meskipun kerajaan Islam Indonesia mendapat kebebasan bergerak hingga sampai akhir abad ketujuh belas, namun sesudah penjajahan kemajuan penyiaran Islam tidaklah dapat dihalangi. Ada di negeri-negeri yang baru seratus tahun sahaja menerima Islam, baik di Sumatera atau di Kalimantan dan di tempat-tempat lain.

Kadang-kadang pegawai-pegawai pemerintah Belanda didatangkan dari daerah Islam ke daerah yang belum Islam, sambil menjadi pegawai-pegawai, pada petang harinya telah menjadi penyiar Islam, sehingga Profesor Snouck Hurgronje memberikan saranan kepada pemerintah kolonial supaya dihentikan mengirim pegawai yang beragama Islam ke daerah yang belum memeluk sesuatu agama, kerana pegawai itu telah menjadi sendeng atau misi dengan kehendak sendiri, pada hal hidupnya dibelanjai oleh pemerintah kolonial.

4. Kemerdekaan Indonesia dan dakwah

Zaman kemerdekaan Indonesia di pertengahan abad kedua puluh, dalam negara yang berdasarkan falsafah Pancasila, sebagai juga negara-negara nasional yang lain di seluruh dunia ini, telah menggariskan politik yang nyata dalam soal keagamaan. Segala agama bebas bergerak dalam alam Indonesia.

Kebebasan beragama dan kebebasan menyuarakan apa sahaja agama yang diyakini, sangat membuka kemungkinan buat berdakwah lebih maju dalam alam Indonesia, dan membuka juga kemungkinan tercincirnya suatu agama yang kurang dakwah.

Tidak harus mengakui bahwasanya kesempatan merdeka ini telah dipergunakan sebaiknya oleh pemeluk agama-agama lain di Indonesia. Sendeng Protestant dan misi Katholik lebih giat daripada yang sudah-sudah semasa mereka mendapat sokongan-sokongan sangat besar dari pemerintah kolonial.

⁴ Perkataan sebenar ialah sucinya

Sudah diketahui oleh umum betapa besarnya pun bantuan yang diberikan oleh negara-negara yang beragama Kristian, meskipun dengan jalan sejagat kepada gerakan penyiaran agama Kristian di negeri kita ini, sehingga mereka pun kadang-kadang telah memakai taktik “perang dingin” dengan kata-kata mereka bahawa 50 tahun lagi seluruh nasional sendeng atau pun mesti dibicarakan secara mendalam siyahah, taktik, taktik dan strategi penyiaran agama Kristian di Indonesia.

Di samping penyiaran Kristian secara teratur dan sebagai hasil dari *study* yang mendalam itu di beberapa negeri, terutama di tanah Jawa orang mencuba kembali menghidupkan agama Buddha, agama pada zaman kenaikan kerajaan Mataram boleh dikatakan telah gulung tikar. Candi “Borobudur” yang dalam pandangan kita sebagai bangsa adalah pusaka kekayaan nasional hendaklah dihidupkan orang kembali menjadi tempat peribadatan agama Buddha.

Dalam pada itu, pesat pula majunya ajaran-ajaran yang berdasarkan materialisme yang tidak mempercayai adanya Tuhan atheism yang kadang-kadang dimajukan dengan disiplin yang sangat militan. Tambahan lagi, kerana kekacauan-kekacauan fikiran menghadapi perubahan-perubahan zaman, dalam bidang ekonomi, sosial dan politik, banyak orang yang kehilangan pegangan batin, lantaran itu sudahlah menjadi hal yang *ma'qūl* (logik) kalau tumbuh gerakan-gerakan kebatinan itu ada yang masih sihat sifatnya kerana diambil dari tasawuf Islamnya, tetapi ada juga yang sedar ataupun tidak sedar menjadi terseleweng dari Islam, bahkan ada yang sengaja untuk menentang Islam.

7. Pendirian pemerintah Republik Indonesia.

Majlis Permesyuaratan Rakyat Sementara (M.P.R.S.) telah memutuskan agar didikan keagamaan diperkuat kepada anak-anak dan pemuda-pemuda di sekolah.

Usul-usul dari pergerakan Islam, di antaranya Muhammadiyah, telah dikabulkan pemerintah, iaitu bahawa pelajaran agama menjadi salah satu pelajaran pokok di sekolah-sekolah sejak rendahnya sampai tingginya.



Adakah latihan mentup aurat lima kali setiap hari yang seperti ini sia-sia belaka, yang akan dianggap menyekat kebebasan wanita?

Undang-undang Dasar 1945 pun menulis jelas tentang pentingnya pendidikan agama bagi rakyat.

Kementerian agama dengan aktif memelihara perkembangan sekalian agama termasuk agama Islam.

Salah satu pidato penting dari *President*, bahawa agama adalah unsur yang mutlak dalam pembangunan bangsa.

8. Dakwah al-Islam dalam Indonesia merdeka

Sebagai umat yang percaya kepada kekuatan diri kerana percayanya kepada Tuhan-Nya, maka kita berkeyakinan bahawa saat sekarang ini adalah saat yang sebaik-baiknya buat melakukan dakwah Islam.

Adanya tandingan dari berbagai-bagai agama, terutama agama Kristian, bukanlah saat sekarang sahaja, bahkan telah ada sejak bangsa-bangsa Kristian barat (Inggeris, Belanda dan Portugis) menjajah negeri-negeri Islam di Asia Tenggara ini. Adanya tentangan dari pihak lain agama hanya dapat melemahkan orang yang lemah semangat juga, ada pun orang yang kuat ghairah agamanya, memandang hal ini sebagai suatu perangsang yang baik agar bergerak lebih pesat mengadakan dakwah. Tidaklah akan ada respon (sambutan) kalau tidak ada *challenge* (tentangan).

Disamping itu sudah jelas pemerintah membuka pintu, yang selalu dituntun oleh wahyu, lagi mendapat kesulitan rintangan dan halangan, namun mereka berhasil juga, maka kita pun akan berhasil mengadakan dakwah. Tetapi kalau lebih dahulu kita telah memandang ke muka dengan kaca mata yang gelap warnanya, dakwah tidaklah akan berhasil.

Al-Jam'iyyah Al-Wasliyah di bidang dakwah.

1- Semenjak sebelum perang, seluruh gerakan umat Islam yang tergabung dalam M.I.A.I telah mengakui amal arsaha⁵ *Al-Jam'iyyah Al-Wasliyah* dalam bidang dakwah, iaitu zendeng⁶ Islam di tanah Batak. Pekerjaan yang telah ditanam oleh *Al-Wasliyah* di daerah itu telah berhasil, sesuai dengan usaha.

2- Di beberapa tempat *Al-Wasliyah* telah mengadakan beberapa perguruan tinggi agama Islam, universiti dan fakultas dan juga akademi dakwah.

9. Anjuran-anjuran

Guna melanjutkan kewajipan dakwah, untuk menciptakan jiwa yang hidup bagi menegakkan agama Islam yang hidup dikemukakanlah saran-saran sebagai berikut:

1- Kemenangan dakwah yang utama ialah amal usaha yang nyata dan dapat di teladan:

Dalā'il al-a'māqā min dalā'il al-aqwāl

Bukti yang ditunjukkan oleh perbuatan lebih kuat

dari pada bukti yang hanya diucapkan dengan mulut. Sebab itu perbanyaklah amal.

2- Oleh sebab itu maka sayugia jika calon-calon yang bertugas sebagai da'ie mempunyai peribadi Muslim yang berkemahan, yang dapat diteladan orang tentang kejujuran, kesudian berkorban, kesalehan dan ubudiyah. Disamping keluasan pengetahuan agama dan umum, kepandaian bergaul dan lapang dada.

3- Da'ie harus mengingat benar-benar bahawasanya umat Islam, terutama di Indonesia adalah satu.

Perbezaan yang *principle* dalam golongan-golongan umat Islam terhadap agama di Indonesia ini, jika dikaji secara ilmiah, tidaklah ada. Kalau perbezaan yang membawa kerenggangan kelihatan pada lahirnya, maka hal itu dapat dihilangkan dengan menumbuhkan semangat *husn al-zann bayna al-muslimin* (baik sangka sesama Islam), maka di dalam menghadapi sesama Muslimin, *husn al-zann* adalah pegangan yang tidak boleh dilepaskan.

4- Pekerjaan dan lapangan yang dihadapi oleh da'ie boleh dibahagikan kepada bidang besar, dengan mengingat pula bahawa setiap bidang itu ada pula perincian bidang-bidang kecilnya.

1. Bidang kaum Muslimin sendiri, bagaimana supaya hidup subur dan bertambah kukuh keselamatan mereka.
2. Memanggil kembali umat Islam yang sudah mulai renggang dari kehidupan agamanya kerana pengaruh pendidikan, pergaulan dan orientasi.
3. Mengajak pemeluk agama lain supaya memeluk agama Islam.
4. Mengajak kaum yang belum memeluk sesuatu agama, supaya memeluk Islam.

5- Khusus bagi "*Al-Jam'iyyah Al-Wasliyah*" yang telah mengerjakan bidang 3 dan 4 ini dengan membawa hasil yang lumayan selama 30 tahun, maka pengalaman-pengalaman yang sudah-sudah, dapatlah dijadikan panduan melanjutkan usaha zaman hadapan. Misalnya jangan sampai kampung ataupun desa yang telah menerima Islam kehilangan kepercayaan

⁵ Perkataan sebenar ialah usaha

⁶ Perkataan sebenar ialah sendeng

kepada tenaga sendiri, sehingga terlalu banyak mengirimkan bantuan luar, cepat mendirikan masjid dan mengirim imam (sementara) dan mendidik penduduk asli menjadi imam buat menuntun masyarakat desanya.

Menukar ternak-ternak babi mereka dengan ternak kambing, sapi dan sebagainya secara besar-besaran. Mendirikan “*Bayt al-Māl*” bagi daerah yang banyak menghasilkan padi dan sebagainya, sehingga mereka dapat berdiri sendiri sebagai perkampungan Muslimin.

9. Kerjasama.

1. *Al-Jam‘iyah Al-Wasliyah* adalah bahagian yang bergerak dari tubuh umat Islam Indonesia yang tidak terpisah dari bahagian tubuh yang lain.

2. *Al-Jam‘iyah Al-Wasliyah* memikirkan dan mengerjakan urusan dakwah, Muhammadiyah pun begitu, demikian juga Nahdatul Ulama. Himpunan Mahasiswa Islam, pelajar-pelajar Islam Indonesia dan yang lain, melihat semuanya ini jelaslah sudah bahawa umat Islam Indonesia di waktu ini tengah menghadapkan perhatian yang penuh kepada soal dakwah.

3. Tetapi haruslah diingat, bahawa setiap amal dari setiap golongan adalah amal juga dari golongan yang lain, supaya usaha umat Islam berjalan dengan bersungguh-sungguh, dan jelas berhasilnya usaha atau gagalnya, hendaklah ditanam semangat kerjasama itu, baik secara mesyuarat, atau kongres, atau pun perbincangan-perbincangan. Sebab saya yakin bahawa pekerjaan besar ini tidak akan berjaya kalau tidak ada pembahagian tugas.

4. Kita harus angkat topi atas usaha Kristian dengan berbagai-bagai saksinya kadang-kadang fahamnya amat bertentangan (kafir mengkafirkannya), namun di saat sekarang itu (terutama sehabis Perang Dunia yang Kedua) cari mencari untuk mengadakan kerjasama. Sehingga paderi besar Canterbury tidak keberatan menemui Paus di Rom untuk mencari kerjasama Kristian, (1960).

Demikian juga kerjasama yang disusun rapi

di antara saudara-saudara kita yang beragama Katholik dengan yang beragama Protestan di tanah air kita ini di dalam tugas penyebarluasan agama Kristian di Arian Barat, maka keinsafan kita beragama menyebabkan kita harus mengakui dengan tulus ikhlas bahawa yang demikian itu patut kita jadikan contoh teladan yang baik; apatah lagi lagi bila diingat bahawa kita umat Islam adalah satu dan tidak ada perbezaan yang *principle*, terutama di Indonesia ini.

10- Perbelanjaan.

1. Diakui bahawa suatu amal usaha kerap kandas dalam perbelanjaan, pada hal dalam kalangan umat Islam tidaklah patut ada kekandasan perbelanjaan yang wajib dikeluarkan buat usaha ini, iaitu zakat.

2. Zakat mempunyai bahagian-bahagian yang berhak menerima, termasuk *fī sabīLillah*. Dan asraf yang telah tidak aktif lagi, iaitu *wa fī al-riqāb* boleh ditambahkan kepada *fī sabīLillah* juga, mubaligh-mubaligh dan da’ie yang dikirim mengadakan dakwah pun biasa mendapat bahagian *ibn al-sabīl* Pendeknya secara ijihadiah yang dapat dipertanggungjawabkan, kedelapan asrafnya dapatlah disalurkan untuk dakwah.

3. Waqaf: orang Islam boleh, bahkan dianjurkan supaya mewaqafkan sebahagian daripada hartanya untuk maslahah umum dan si waqaf boleh membuat syarat, guna apa waqaf itu. Misalnya untuk dakwah, maka bolehlah diterima kebun getah waqaf-waqaf sawah dan lain-lainnya.

4. Menumbuhkan kegiatan berzakat dan berwaqaf pada jiwa hartawan Muslimin adalah termasuk dakwah juga demikian pula keteguhan memegang amanat membelanjakan zakat itu menurut patutnya dan waqaf supaya membawa hasil yang dikehendaki oleh si waqaf, adalah dakwah utama kepada diri kita sendiri sebagai memegang cita-cita dakwah.

5. Modal paling besar

Modal yang paling besar untuk kejayaan dakwah kita, modal yang akan terus menimbulkan sumber belanja lahir serta batin ialah ketakwaan kepada Ilahi.

Wa biLlāhi taufiq.